

Տ Ե Ղ Ե Կ Ա Տ Ո Ւ

«ԱՐԱՐԱՏ» ամսագրի խմբագրութեան

Ներքին գործոց Տ. Նախարարի առանձին յանձնարարութիւնների աստիճանաւոր պ. Ա. Վ. Պետրովը ուղարկել է Ամենապատիւ Տ. Տեղակալի անունով նուէր Մայր Տաճարին մի փոքրադիր արծաթեայ ոսկեզօծ կանթեղ իր պարագաներով:

Նուիրաբերուած կանթեղը կախուեց Մայր Տաճարի աւանդատան Ս. Գէորգի պատկերի առջև և գրուեց մուտք Տաճարի անօթների ցուցակում:

Այս մասին խնդրում եմ յարգելի խմբագրութեանը հրատարակել Արարատի մերձակայ համարում:

Մայր Տաճարի Լուսարարապետ՝ ՂԵՒՈՆԴ ԵՊԻՍԿՈՊՈՍ

«ԱՐԱՐԱՏ» ամսագրի յարգելի խմբագրութեան

Բագուի «Կասպիական» նաւթ արդիւնաբերող ընկերութիւնը, սկսած 1907 թուից ուղարկում է ձրիաբար Ս. Էջմիածնի ելեքտրակ. կայարանի վառելիքի համար սև նաւթ տարեկան 5—6000 փութ, որով Կառավարութիւնն ազատուած է լինում ելեք. կայարանի այդ ծախքից:

Վանական կառավարութիւնն՝ յայտնելով յարգելի ընկերութեան իր խորին շնորհակալիքը, խնդրում է այս մասին հրատարակել «Արարատի» մերձակայ համարում:

Նախագահ Կառավարութեան ՆԵՐՍԷՍ Վ. ՄԵԼԻԻՔ-ԹԱՆԳԵԱՆ

Քարտուղար Լ. Մ. ԱՍԼԱՆԵԱՆՑ